

18 SEP 1997

DR MAHATHIR RASMI KONGRES SAPP AHAD INI

KOTA KINABALU, 18 Sept (Bernama) -- Perdana Menteri Datuk Seri Dr Mahathir Mohamad dijadual merasmikan Kongres Keempat Parti Maju Sabah di Tawau, Ahad ini.

Menurut kenyataan SAPP di sini, kongres dua hari yang bermula Sabtu ini, dijangka dihadiri 2,000 anggota perwakilan.

Ia akan dimulakan dengan kongres Pemuda dan Wanita parti itu pada Sabtu yang akan dirasmikan oleh Timbalan Presiden SAPP Datuk Tham Nyip Shen yang juga Timbalan Ketua Menteri.

SAPP, satu daripada lapan anggota komponen Barisan Nasional di negeri ini, telah mengadakan kongres pertama di Kota Kinabalu pada tahun penubuhannya pada 1994, juga dirasmikan oleh Dr Mahathir yang juga Pengerusi BN.

Kongres kedua berlangsung di Sandakan dan ketiga di Tenom.

Sebelum itu, Dr Mahathir dijadual merasmikan Kelab Golf Shan-Shui di Jalan Apas. Beliau dijadual berlepas ke Kuala Lumpur pada hari yang sama.

-- BERNAMA

JS MAI

ZI PR